

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/52, 08.04.2022թ.

Բողոք բերող անձ՝ «Բյուս Սթրիմ Սոլուշնս» ՍՊԸ

Պատվիրատու՝ ՀՀ Շիրակի մարզի Արթիկի համայնքապետարան

Գնման ընթացակարգի ծածկագիրը՝ «ՇՄԱՀ-ԳՀԽԾՁԲ-22/10»

Գնման առարկան՝ Արթիկ համայնքի մի շարք բնակավայրերի գազատարի ներքին ցանցի կառուցման աշխատանքների նախագծային փաստաթղթերի մշակման ծառայությունների ձեռքբերում

Բողոքի պահանջը՝ պարտավորեցնել «ՇՄԱՀ-ԳՀԽԾՁԲ-22/10» ծածկագրերով գնման ընթացակարգի գնահատող հանձնաժողովին՝

1. դադարեցնել «Գլոբալ Ինժեներ» ՍՊԸ-ին ընտրված մասնակից ճանաչելու վերաբերյալ որոշումը,
2. հաղթող ճանաչել «Բյուս Սթրիմ Սոլուշնս» ՍՊԸ-ին:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ֆ. ՄԱՆԳՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳԼՈՒԽՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ԶՆՆՈՂ ԱՆՁԻՆ

Բողոք բերող՝ <<Բլյու Սթրիմ Սոլուշնս>> ՍՊԸ

Պետական գրանցման համար՝ **282.110.1009192**

ՀՎՀՀ՝ 00910183

Հասցե՝ ՀՀ, ք. Երևան, Նոր Նորք ԿՉ, Գյուլոջյան 17շն. 89բն

Հեռ. 095 455253

Էլ. փոստ՝ bluestream2018@gmail.com

Պատվիրատու՝ ՀՀ Շիրակի մարզի Արթիկի համայնքապետարան

Հասցե՝ ք. Արթիկ, Ազատության հրապարակ.1

Գնման ընթացակարգի ծածկագիրը և առարկան՝

Արթիկ համայնքի Լեռնակերպ, Գեղանիստ, Հոռոմ, Մեծ Մանթաշ, Փոքր Մանթաշ և Հայրենաց բնակավայրերի գազատարի ներքին ցանցի կառուցման աշխատանքների նախագծանախահաշվային փաստաթղթերը կազմման ձեռք բերման նպատակով հայտարարված ՇՄԱՀ-ԳՀԽԾՁԲ-22/10 ծածկագրով գնանշման հարցման ընթացակարգ

ԲՈՂՈՔ

1. Գործի հակիրճ նկարագրությունը եվ բողոքի փաստերը

Արթիկի համայնքապետարանի (այսուհետ՝ Պատվիրատու) կողմից հայտարարվել է Արթիկ համայնքի Լեռնակերտ, Գեղանիստ, Հոռոմ, Մեծ Մանթաշ, Փոքր Մանթաշ և Հայրենաց բնակավայրերի գազատարի ներքին ցանցի կառուցման աշխատանքների նախագծանախահաշվային փաստաթղթերի կազմման ձեռք բերման նպատակով թիվ ՇՄԱՀ-ԳՀԽԾՁԲ-22/10 ծածկագրով գնանշման հարցման ընթացակարգ (այսուհետ՝ Ընթացակարգ), որին մասնակցելու նպատակով հայտ է ներկայացրել նաև <<Բլյու Սթրիմ Սոլուշնս>> ՍՊԸ-ն:

Հայտերի բացումը տեղի է ունեցել 29.03.2022 թ.-ին՝ էլեկտրոնային եղանակով:

Ընթացակարգին մասնակցելու նպատակով հայտ է ներկայացրել 2 մասնակից:

1. <<Բլյու Սթրիմ Սոլուշնս>> ՍՊԸ
2. <<ԳԼՈՒԽԱԼ ԻՆՎԵՆՏԻՐ>> ՍՊԸ

Հայտերի բացման նիստից հետո կազմված Արձանագրություն 01.04.2022թ. N3-ով մասնակիցները հրավիրված են եղել բանակցությունների հստակ հասցեով՝ Արթիկ համայնք, Ազատության հրպ.1 հասցեում գտնվող Արթիկի համայնքապետարանի շենքի առաջին հարկի դահլիճում՝ 04.04.2022թ. ժամը՝ 12:00-ին:

Տեղեկացնում ենք, որ նշված օրը և ժամին բանակցություններին ներկա է գտնվել միայն <<Բլյու Սթրիմ Սոլուշնս>> ՍՊԸ-ի ներկայացուցիչը, և հիշատակված օրը ժամը 12:00-ին

նիստը համարվել է սկսված: Գնային առաջարկի հարցմանն ի պատասխան մասնակիցն առաջարկել է 4 690 000 (չորս միլիոն վեց հարյուր իննսուն հազար) ՀՀ դրամ, որից հետո գնահարցման շուրջ բանակցությունները համարվել են ավարտված, ըստ էության մեր կողմից առաջարկված գինը որպես վերջնական գին ընդունելով: Պետք է փաստել, որ հանձնաժողովի կողմից մյուս մասնակցի (<<ԳԼՈՐԱԼ ԻՆՎԵՆՏՐ>> ՍՊԸ) բանակցություններին մասնակցության վերաբերյալ տեղեկություն չի տրամադրվել, ինչպես նաև չեն տեղեկացվել նրա կողմից ծանուցում ուղարկելու մասին:

Այնուհետև, հանձնաժողովի կողմից ներկայացվել է գրություն, առ այն, որ <<ԳԼՈՐԱԼ ԻՆՎԵՆՏՐ>> ՍՊԸ-ն artikgnumner@mail.ru էլ. հասցեին, նույն օրը ժամը 12:26-ին ներկայացրել է չներկայանալու պատճառներ և գնային առաջարկ, որը հիմք ընդունելով գնահատող հանձնաժողովը կազմել է N5 արձանագրությունը, որով հաղթող է ճանաչվել <<ԳԼՈՐԱԼ ԻՆՎԵՆՏՐ >> ՍՊԸ-ն:

2. Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային եվ ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 46-րդ հոդվածի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:

<< կառավարության 526-Ն որոշման 40-րդ կետի 5-րդ ենթակետի համաձայն՝

5) հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է ընտրված և հաջորդաբար տեղեր զբաղեցրած մասնակիցներին: Ապրանքների գնման դեպքում հանձնաժողովը գնահատում է նաև ներկայացված ապրանքի ամբողջական նկարագրերի համապատասխանությունը հրավերի պահանջներին: Առաջարկված նվազագույն գների հավասարության դեպքում, կամ եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են տվյալ ընթացակարգի շրջանակում գնվելիք ապրանքների, աշխատանքների կամ ծառայությունների գնման հայտով սահմանված գինը կամ գնումն իրականացվում է օրենքի 15-րդ հոդվածի 6-րդ մասի հիման վրա՝

ա. ընտրված և հաջորդաբար տեղեր զբաղեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցների հետ վարվում են

միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները),

բ. հակառակ դեպքում հանձնաժողովի նիստը կասեցվում է, և մեկ աշխատանքային օրվա ընթացքում գնահատող հանձնաժողովի քարտուղարը բավարար գնահատված բոլոր մասնակիցներին էլեկտրոնային ձևով միաժամանակ ծանուցում է գների նվազեցման շուրջ միաժամանակյա բանակցությունների վարման օրվա, ժամի և վայրի մասին,

գ. բանակցությունները վարվում են ոչ շուտ, քան ծանուցումն ուղարկվելու օրվան հաջորդող օրվանից երկրորդ և ոչ ուշ, քան հինգերորդ աշխատանքային օրը,

դ. յուրաքանչյուր մասնակցի՝ տվյալ պահին ներկայացրած գնային առաջարկը հրապարակվում է մյուս մասնակիցների համար, և մինչև բանակցությունների համար նախատեսված վերջնաժամկետի ավարտը մասնակիցը կարող է վերանայել իր գնային առաջարկը,

ե. բանակցությունների համար սահմանված վերջնաժամկետը լրանալու պահին, ըստ դրան ներկա մասնակիցների ներկայացրած գների, որոնք չեն գերազանցում գնման հայտով սահմանված գինը, որոշվում ու հայտարարվում են ընտրված և հաջորդական տեղերն զբաղեցրած մասնակիցները,

զ. բանակցությունների համար սահմանված վերջնաժամկետը լրանալու պահին, եթե դրան ներկա մասնակիցների ներկայացրած գները գերազանցում են գնման հայտով սահմանված գինը, ապա գնահատող հանձնաժողովը կարող է բանակցությունների արդյունքում ցածր գնային առաջարկ ներկայացրած մասնակցին հայտարարել ընտրված մասնակից՝ պայմանով, որ վերջինիս հետ կնքվող պայմանագրով նախատեսված կողմերի իրավունքներն ու պարտականություններն ուժի մեջ են մտնում գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքելու դեպքում: Ընդ որում, համաձայնագիրը կնքվում է լրացուցիչ ֆինանսական միջոցները նախատեսվելուն հաջորդող տասնհինգ աշխատանքային օրվա ընթացքում՝ ապրանքի մատակարարման, աշխատանքի կատարման կամ ծառայության մատուցման ժամկետները երկարաձգելով պայմանագրի կնքման օրվանից մինչև համաձայնագրի կնքման օրն ընկած ժամանակահատվածով: Սույն պարբերության համաձայն կնքված պայմանագիրը լուծվում է, եթե կնքելուն հաջորդող վաթսուն օրացուցային օրվա ընթացքում լրացուցիչ ֆինանսական միջոցներ չեն նախատեսվում:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում հետեւյալ հանգամանքների վրա.

Հայտնում եմ, որ հայտերի բացման նիստից հետո կազմված Արձանագրություն 01.04.2022թ. N3-ով մասնակիցները հրավիրված են եղել բանակցությունների հստակ հասցեով՝ Արթիկ համայնք, Ազատության հրապ. 1 հասցեում գտնվող Արթիկի համայնքապետարանի շենքի առաջին հարկի դահլիճում՝ 04.04.2022թ. 12:00-ին, սակայն բանակցություններին ներկա է գտնվել միայն «Բյուր Սթրիմ Սոլուշնս» ՍՊԸ-ի ներկայացուցիչը: Նիստն սկսվել է Արձանագրություն 01.04.2022թ. N3-ով սահմանված

ժամին՝ 12:00-ին, և նիստին ներկա գտնված միակ մասնակիցը ներկայացրել է գնային առաջարկ 4 690 000 (չորս միլիոն վեց հարյուր իննսուն հազար) ՀՀ դրամի չափով:

Ընթացակարգը գնահատող հանձնաժողովը, խախտելով ՀՀ կառավարության 526-Ն որոշման 40-րդ կետի 5-րդ ենթակետի գ. պարբերության պահանջները, հաղթող է ճանաչել բանակցություններին չներկայացած և դրա վերբերյալ չձանուցած «ԳԼՈՐԱԼ ԻՆՎԵՆԵՐ» ՍՊԸ-ին, ով իր դիրքորոշումը հայտնել է միայն բանակցությունների ավարտին, ժամը 12:26-ին artikgnumner@mail.ru էլ. Հասցեին ուղարկելով գնային առաջարկը:

Նման փաստական հանգամանքներում ակնհայտ է, որ «ՇՄԱԿ-ԳՀԱԾՁԲ 20/3» ծածկագրով գնանշման հարցման ընթացակարգի գնահատող հանձնաժողովի կողմից խախտվել են գնումների մասին օրենսդրությամբ սահմանված մի շարք դրույթներ:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից,

Խ Ն Դ Ր ՈՒ Մ ԵՄ

1. Պարտավորեցնել «ՇՄԱԿ-ԳՀԱԾՁԲ-22/10» ծածկագրով գնանշման հարցման ընթացակարգի գնահատող Հանձնաժողովին դադարեցնել «ԳԼՈՐԱԼ ԻՆՎԵՆԵՐ» ՍՊԸ-ին ընտրված մասնակից ճանաչելու մասին որոշումը:

2. Պարտավորեցնել «ՇՄԱԿ-ԳՀԱԾՁԲ-22/10» ծածկագրով գնանշման հարցման ընթացակարգի գնահատող Հանձնաժողովին հաղթող ճանաչել «Բյու Սթրիմ Սոլյուշնս» ՍՊԸ-ին:

Կից ներկայացվում է՝

1. Արձանագրություն N2 30.03.2022թ. ժ. 11:00
2. Արձանագրություն N3 01.04.2022թ. ժ. 16:00
3. Արձանագրություն N5 04.04.2022թ. ժ. 13:00

«Բյու Սթրիմ Սոլյուշնս» ՍՊԸ-ի տնօրեն՝ Գ. Արզումանյան



